

HELAIAN PENDEDAHAN PRODUK

<p>Anda diingatkan untuk membaca helaian pendedahan produk ini sebelum anda membuat keputusan untuk memilih Pendahuluan Kredit Pembungkusan. Sila pastikan anda juga membaca terma dan syarat muktamad di dalam Surat Tawaran ("LO") dan Perjanjian Kemudahan. Anda dengan ini diingatkan supaya sentiasa mencari dan mendapatkan nasihat undang-undang bebas anda sendiri. Sila dapatkan penjelasan daripada wakil sah AmBank (M) Berhad ("Bank") sekiranya anda tidak memahami mana-mana bahagian dokumen ini atau terma umum yang dinyatakan di sini.</p>	AmBank (M) Berhad Pendahuluan Kredit Pembungkusan Tarikh: 30 November 2023
1. Apakah yang perlu saya ketahui tentang produk ini?	
<p>Pendahuluan Kredit Pembungkusan ("PCA") ialah kemudahan pembiayaan pra pengiriman jangka pendek atas pesanan yang disahkan, yang ditawarkan oleh Bank kepada Pengeksport/Penjual untuk membolehkan mereka membeli bahan mentah, memproses, mengilang dan menjual/mengeksport barang yang dipesan.</p>	
2. Apakah yang boleh saya peroleh dari produk ini?	
<ul style="list-style-type: none"> • Tertakluk kepada terma kemudahan PCA menurut LO yang dikeluarkan oleh Bank kepada anda, anda akan mendapat pembiayaan PCA yang: - <ul style="list-style-type: none"> a. tertakluk kepada had kemudahan PCA; b. terhadap Surat Kredit ("LC") yang boleh diterima oleh Bank di mana LC tersebut mestilah tidak disekat manakala pembiayaan atas pesanan belian, pesanan jualan eksport atau pesanan jualan boleh diterima tertakluk kepada kelulusan Bank; c. didenominasi dalam Ringgit Malaysia ("RM") atau mata wang asing ("FCY"); d. tertakluk kepada pembiayaan minimum sebanyak RM20,000 atau FCY yang setara; e. sehingga 80% daripada nilai LC; f. untuk tempoh minimum selama 7 hari sehingga maksimum 120 hari, tertakluk pada tarikh akhir pengiriman/penghantaran LC; g. pada faedah yang berdasarkan Kadar Pinjaman Asas ("BLR") atau Kos Dana ("COF") yang dikira atas baki harian yang perlu dibayar pada tarikh penyelesaian; dan h. Bagi tujuan pembiayaan: <ul style="list-style-type: none"> i. Pembelian bahan mentah; ii. Menjalankan proses pengilangan dan pembungkusan barang; atau iii. Memperoleh gudang penyimpanan untuk bahan mentah dan barang. 	
3. Apakah peranan dan tanggungjawab saya?	
<ul style="list-style-type: none"> • Depositkan LC dengan Bank, termasuk apa-apa pindaan selepas itu untuk simpanan Bank dan maklumkan Bank serta-merta jika LC dibatalkan. • Memberi janji bahawa PCA yang diberikan kepada anda akan digunakan hanya untuk tujuan perolehan, pengilangan dan pengiriman barang terhadap LC yang diterima. • Selepas pengiriman barang, serahkan dokumen menurut terma LC kepada Bank untuk pengutipan hasil yang akan digunakan untuk melunaskan pembiayaan PCA. • Hasil kutipan daripada pembiayaan selepas pengiriman atau dari Bank Pembeli/Pengimport/Pengeluar hendaklah digunakan untuk pembayaran pembiayaan PCA yang belum jelas. • Mohon kemudahan PCA dan pastikan kemudahan adalah tersedia dan cukup untuk pengeluaran. 	

- Dapatkan semua kelulusan/lesen yang berkaitan dan diperlukan daripada pihak berkuasa yang berkaitan, jika perlu.
- Pastikan dana akaun anda mencukupi dan memberi kebenaran kepada Bank untuk mendebit akaun anda di Bank untuk sebarang caj, komisen, yuran dan/atau belanja tunai langsung Bank berhubung dengan pembiayaan PCA termasuklah pembayaran pada tarikh matang.
- Pastikan tiada kaedah pembiayaan lain yang diperoleh untuk transaksi yang sama.
- Pastikan bahawa dokumen sokongan untuk PCA adalah berkaitan dengan jenis perniagaan anda dan terdapat pemindahan barang yang sebenar.

4. Apakah harga, yuran dan caj yang dikenakan?

No.	Yuran dan Caj	Tarif
1	Komisen PCA terhadap LC	0.3% daripada amaun bil Minimum: RM100 Maksimum: RM100 (Bil FCY); RM500 (Bil RM)
2	Komisen PCA terhadap pesanan belian/pesanan jualan eksport/pesanan jualan	0.5% daripada amaun bil Min: RM200 Maksimum: RM300 (Bil FCY); RM500 (Bil RM)
3	Bayaran pemindahan (IBG/RENTAS)	RM2 sahaja
4	Bayaran Pos	Dalam Malaysia: RM5 Di Luar Malaysia: RM20
5	Perkhidmatan Kurier	Dalam Malaysia: RM15 Di Luar Malaysia: Tertakluk pada destinasi
6	Caj Tertunggak	RM50 untuk setiap transaksi

Harga, yuran atau caj yang dinyatakan adalah tidak termasuk mana-mana cukai kerajaan yang mungkin dikenakan oleh Kerajaan Malaysia pada masa sekarang maupun pada masa akan datang. Sekiranya kerajaan mengenakan apa-apa cukai ke atas yuran atau caj disebabkan oleh pindaan undang-undang atau apa-apa faktor yang lain, Bank berhak mengubah atau menyemak semula jumlah wang yang perlu dibayar.

5. Bagaimakah jika saya gagal melaksanakan kewajipan saya?

- Jika pembiayaan PCA tidak dilunaskan sepenuhnya pada tarikh matang, baki pembiayaan akan diklasifikasikan sebagai tertunggak dan akan ditukar kepada RM tertakluk kepada Faedah Mungkir menurut LO mulai dari tarikh matang sehingga tarikh pembayaran penuh dilunaskan.
- Hasil kutipan yang diterima Pembeli atau apa-apa pembiayaan selepas pengiriman akan digunakan untuk melunaskan pembiayaan PCA. Walau bagaimanapun, Bank akan mendebit akaun anda pada tarikh matang untuk melunaskan pembiayaan PCA berserta apa-apa faedah dan caj yang terakru ke atasnya sekiranya Pembeli tidak membuat bayaran.
- Sekiranya akaun PCA anda masih tertunggak selepas 3 bulan, status kemudahan-kemudahan kredit anda di Bank akan dikategorikan sebagai pinjaman tak berbayar.
- Bank akan menggantung penggunaan apa-apa kemudahan kredit yang diberikan kepada anda.
- Bank boleh menggunakan haknya dan memulakan proses pemungutan/tindakan undang-undang yang merangkumi, tetapi tidak terhad kepada, prosiding kemuflisan/penggulungan (jika jumlah tertunggak mencapai had tertentu). Aset anda mungkin dibekukan dan disita sekiranya diisyiharkan muflis/dikenakan penggulungan.
- Tindakan undang-undang ke atas anda juga mungkin menjelaskan tarat kredit anda yang menyebabkan pinjaman kredit anda lebih sukar atau mahal.

- Hak tolak selesai: Bank berhak untuk menggunakan mana-mana baki kredit dalam akaun anda di Bank untuk melunaskan jumlah tunggakan mana-mana kemudahan di Bank. Walau bagaimanapun, jumlah tolak selesai akan diberitahu kepada anda sebelum dilaksanakan.

6. Bagaimakah jika saya melangsaikan pembiayaan sebelum tempoh matang?

- Faedah akan dikira sehingga tarikh penyelesaian penuh.
- Mungkin tertakluk kepada penalti (iaitu kos pembiayaan terganggu) untuk penamatkan awal kontrak.

7. Adakah saya memerlukan perlindungan insurans?

- Ya, sekiranya perlindungan insurans tersebut merupakan tanggungjawab anda seperti mana terma yang anda telah persetujui dengan penjual anda.

8. Apakah risiko utama?

- Tidak dapat mematuhi terma dan syarat LC.
- Pembayaran Lewat atau tiada pembayaran daripada Pembeli/ Pengimport/Bank Pengeluaran.
- Naik turun dalam kadar pertukaran asing

9. Adakah saya memerlukan penjamin atau cagaran?

- Penjamin harus disediakan sekiranya perlu.
- Cagaran harus disediakan sekiranya perlu dan mesti dapat diterima oleh Bank.

Nota: Syarat di atas adalah bergantung pada kebolehpercayaan kredit anda.

10. Apakah yang perlu saya lakukan sekiranya terdapat perubahan pada maklumat untuk menghubungi saya?

Adalah penting untuk anda memaklumkan kepada Bank tentang sebarang perubahan maklumat hubungan anda bagi memastikan semua surat-menyerat sampai kepada anda tepat pada masanya. Untuk bantuan, anda boleh menghubungi/memberi makluman secara bertulis kepada Pengurus Perhubungan masing-masing.

11. Di manakah tempat untuk mendapatkan bantuan dan pembelaan?

- Jika anda bercadang untuk membuat aduan mengenai produk atau perkhidmatan yang disediakan oleh kami, anda boleh menghubungi kami melalui:

AmBank Contact Centre
No. Kotak Pejabat Pos 12617, 50784 Kuala Lumpur,
Tel.: (603) 2178 8888
E-mel: customercare@ambankgroup.com

- Sekiranya anda tidak berpuas hati terhadap penyelesaian ke atas pertanyaan atau aduan anda, anda boleh menghubungi Bank Negara Malaysia LINK melalui:

Blok D, Bank Negara Malaysia,
Jalan Dato' Onn,
50450 Kuala Lumpur.
Tel.: 1-300-88-5465
Faks: 03-2174 1515
Laman web: bnmlink.bnm.gov.my

- Sebagai alternatif, anda boleh mendapatkan perkhidmatan Agensi Kaunseling dan Pengurusan Kredit (AKPK), sebuah agensi yang ditubuhkan oleh Bank Negara Malaysia bagi menyediakan perkhidmatan pengurusan wang, kaunseling kredit, pendidikan kewangan dan penstruktur semula pembiayaan secara percuma kepada individu. Anda boleh menghubungi AKPK melalui:

Level 5 & 6,
Menara Aras Raya
(Formerly known as Menara Bumiputra Commerce)
Jalan Raja Laut, 50350 Kuala Lumpur
No. Tel.: 03-2616 7766
E-mel: enquiry@akpk.org.my

12. Di manakah saya boleh mendapatkan maklumat lanjut?

Untuk butiran tentang manfaat, yuran dan caj, anda boleh melayari www.ambankgroup.com.

13. Lain-lain produk perdagangan yang tersedia: -

- | | |
|--|--|
| • Jaminan Bank | • Pembiayaan Invois |
| • Jaminan Bank Menerusi Kaunter | • Pinjaman Perdagangan Mata Wang Asing |
| • Penerimaan Jurubank | • Surat Kredit |
| • Pembelian Bil Keluar Lansung | • Resit Amanah Ringgit |
| • Kutipan/Pembelian/Rundingan Berdokumen | • Jaminan Perkapalan |
| • Pembiayaan Semula Kredit Eksport | • Surat Kredit Tunggu Sedia |

PENTING! CAGARAN ANDA MUNGKIN DICAIRKAN SEKIRANYA JADUAL PEMBAYARAN TIDAK DIPATUHI

Maklumat yang disediakan dalam helaian pendedahan produk ini adalah sah dari 30 November 2023 sehingga kemas kini yang seterusnya. Sila layari www.ambankgroup.com untuk mendapatkan maklumat terkini.

Semua kiraan dan kadar di atas adalah untuk tujuan ilustrasi sahaja. Tertakluk pada terma dan syarat.

Penafian: Kemudahan sebenar yang akan disediakan oleh Bank adalah bergantung pada penilaian kredit anda yang dilakukan oleh Bank. Penghantaran helaian pendedahan produk ini kepada anda tidak mewujudkan apa-apa kewajipan oleh Bank untuk memberi anda apa-apa kemudahan.

Saya/ovem Kami mengakui bahawa terma kontrak utama dan kewajipan kewangan saya/kami di bawah produk kewangan ini telah dijelaskan dengan secukupnya kepada saya/kami oleh wakil sah daripada AmBank (M) Berhad.

.....
Nama:

Nombor KP:

Tarikh:

Atau

Untuk dan bagi pihak

No. Pendaftaran:

.....
(Penandatangan dibenarkan/Pengarah)

Tarikh: